



Presbyterian Church in India (Reformed) Messenger

Vol. XXI | No.05 | May, 2012.



May 07
MISSIONARY DAY



May 27
PENTECOST DAY

May 13
MOTHER'S DAY

From:

**The Editor
PCI Messenger
Presbyterian Church in India (Reformed)
Head Office: New Lamka (H)
Churachandpur - 795 128
Manipur, INDIA
(Box-32)**

To:

BOOK POST

messenger

Editorial Board

Editor

Rev. Khen P. Tombing

Jt. Editor

Rev. G. Pau Muanthang

Circular

C. Biaklun

Contact:

Rev. G. Pau Muanthang

☎ 8974957967

Head Office: PCI (R)

Box-32, New Lamka (H)

Churachandpur-795 128

Manipur, INDIA

website: www.pcireformed.com

asunga thu omte -

Theihpihtu thupi umsuak - 01

Na intung khuh in - 03

Missionary day message - 06

Naungek Baptisma - 09

Dahpihna - 11

Thumna a theih ding - 15

Subscription fee:

Kha khatin Rs. 10/-

Saptuam website thak:

<http://www.pcireformed.com>

khangtou leh masawn i hih ua, Pathian min thupina i hihna diing un thum ni.

May 23 (Nilaini): Kristiante lak a sorkal nasemtu omte'n diktattak a a sep diingte uh a sepkiak ua, a omna mun diing ua kispna mun pansan a thanuamtak a Pathian lau kawm a nna a sep theihna diing un thum ni.

May 24 (Ningani): Saptuam in budget (sum zat diing) i guante uh Pathian thupina dia hihpichin ahih theihna diingin thum ni.

May 25 (Sintawpni): Biakin khat "Kerith Presbyterian Church" Zenhang Lamka gal a om honkhiak ahihtak ziakin Pathian kiangah kipahtu genni. Biakna lohching leh gahsuaah a hong hih theihna dingin thumsak ni.

May 26 (Kiginni): Nipi Skul a sinsaktute leh sinlai naupangte'n a tanvuan chiat uh hihbuching a Pathian thu a theihte uh a zuih siausiau theihna diing un thum ni.

May 27 (Pathianni): Tuni Penticost Day saptuam chih in program guangkhol a i zat diingte uh manphatak a i zat ua, Pathian min thupina ahihna diing in thum ni.

May 28 (Seppatni): Kristiante'n khalam gal i douna ua lungke mailou a thutak gum a i pan semsem theihna diing un thum ni.

May 29 (Sepnawnni): India gam a Kha mangthangte matna dia kahiang tuamtuam oimte nasepte a lohchin semsem theihna diing in thum ni.

May 30 (Nilaini): India phualpi sorkal in Manipur gam a hon-etkolna uh tu dinmun sang a hoihjaw ahih a, Pathian gam nna semtute'n Pathian nna tam zosem sepkiak ahih theihna diing in thum ni.

May 31 (Sintawpni): Tuni kha bei n itan honpi Pathian tungah kipahtu gen ni. Huan, khovel hunbite, nisa, vuahtui leh huihte mihingte aa dia hoih huntawk geih leh ahi diing bangtak a a hongtun theihna diingin thum ni.

leh nupa kal sianthou louhna a huaise mahmah a, huai a kipan ei kristiante i bitna diing un thum ni.

May 12 (Kiginni): Tu 2012 a i thupi uh, "Thukhun Inkuan Hihhat Sem Kum" i chih uh pansan a inkuan hoih zosem leh Toupa deiham bang a i om semsemna diing un thum ni.

May 13 (Pathianni): Tuni—Nute Ni, a phatuam theipen a program zat a om diingte kuapeuh in a phattuampih a Pathian thupina ahihna diingin thum ni.

May 14 (Seppatni): Singtang a louneitute haichite hoihtak a pou a, hoihtak a a gahsuhna diing leh huaite tungtawn a Toupa thupina a kilatna diingin thum ni.

May 15 (Sepnawnni): Kristian milip kuapeuh in, Pathian thu kigelhna Laisiangthou i limsak ua, huai a Pathian deiham bang a kigelhte kitheihmohbawllou a i zuih chiat theihna diing un thum ni.

May 16 (Nilaini): Tuni a GAWC a tel palaite'n Pa Pathian deiham toh kituak a vai a honhawm theihna diing un chihtaktakin thum ni.

May 17 (Ningani): Missionary i sawlkhiahte uh nasep a gahsuh semsem a, hotdamna huang a lut

tamsem a om jel theihna diingin thum ni.

May 18 (Sintawpni): Upate'n (Elderte leh Deaconte'n) Pathian deiham toh kituak a Pathian belum a kepte uh, kilawptak a a mohpuak uh semkhia a, khalam a a vak piching semsemna diing un thum ni.

May 19 (Kiginni): Tuni in Rev. G. Pau Muanthang SAIACS, Bangalore a M.Th sin ding in innkuan un zin khia uh damtaka tunga a sin ding bangbang lohchingtaka a hon zoh theihna diingin thumsak ni.

May 20 (Pathianni): Singtang a i skul neihte ua sinsaktute leh sinlai naupangte a chidam ua, a tavuan bangbang uh, Pathian thupina dia a sepkhiak theihna diing un thum ni.

May 21 (Seppatni): Coordinator Rev H C Thiansong in a mohpouak leh tavuan ahi diing bangtak Pathian lungtunna bangbang a sepkhiak theihna diing leh Pathian min thupina diingin thum ni.

May 22 (Sepnawnni): Coordinator Rev Lian Tombing in saptuam sung a pastorte leh adg dgte tung a vaihawmna a pilna lungtang nei a, hoihtak a vai a honsai a, saptuam

Editorial:

THEIHPH THUPI UMSUAK

Rev. G. Pau Muanthang



Covenant Theological Seminary a Church History (Saptuam Khangthu) class ka lak peuhmah chiang ua ka Professor pa uh Dr. David Calhoun in "Huaijiakin huchitela theihpihte meipi thupu um suaka i om theiin, honhihnok peuhmah leh kehlhna eimaha belhte koihmang ni, huan, i ma ua kitaitehna ding om ah kuhkal takin tai ni" Hebrute 12:1 chih sim in class a honpatpih jel hi.

Awle, tu May kha ei Manipur simlam a om Khristiante a dia, i ginna toh kisai a kha poimoh mahmah leh a diak a May 7 pen Missionary Day chia i zat uh ahihna ah, hiai hun in a tunga Lai Siangthou i taklat apan thil poimoh mahmah a hon sinsakte tamlou taklang leng ut huai kasa hi.

1. Theihpih tampite Nasep: Hebru Laibu gelhtu in a gen ut 'theihpih tampite' tuh bung 11 na a gente ahi chih i muthei hi. Amaute tuh gendan dangin gen le 'ginna mihangsante' i chihte uh ahi. Ginna hing nei a muhtheihlauh Pathian a muh ziak un, a hinkhua uah bangchi zongteng haksatna leh gimthuakna om mahleh, huai a ginna uh tuh gimpihtak, thuakpihtak leh sihphtak in a koih uhi. Huaiziakin, nuizabawlna, vuakna, kolbutna, hentakna, suang a denna, singat a atna, namsau a satlupna, belum leh kelvun silhna, gimthuak leh sawina, tang ah bang, guam ahte hiai a ginna leh tanchin hoih ziaakin in a thuak un a vakvaihiph uhi.

Hiai mite'n bang thu theikha a, bang ziak a hiai bangteng thuak a sihpah ngam uh hiam chih ngaihsut tham mahmah hi. Hiai apan i muh theih tuh Pathian thu a hinpahna mahmah uh thupi ka sa hi. Huai Pathian thu a hinpah ziak un a sih chiang un leng huai thu mah a sihpah uhi. Khatvei ka thu sim khakna khat ah "Pathian a dia sih sangin Amah a dia hin a haksazaw" a chih dik mahmah ahihna ka hinkhua ah ka thei thakthak hi. A ziak tuh Pathian a dia hinna pen i hinkho pumpi: omdan, gamtat, kampau, nek leh dawn leh i hinkhua thilbangkim amah a dia kipiak leh i hunte, omnate tanpha huamvek ahihna ah Pathian a dia hin pen thunamai ahi kei hi. Huchiin Hebru laibu in a gen ginna a mihangsante pen Pathian a dia ginomtak a a hin ziak un, huai thu mah thuakpihin a na sihphtauhi.

2. Ei nasep ding: Hiai theihpih tampite nasepte, gimthuaknate leh a ginna uh sihpah khop hiala a thuaknate tengteng uh a gen khit in ei, ginna a amau nungjui samte'n

amaute enton a i hih ding uh poimoh mahmah nih a hon-gen hi.

i. Eimaha khelhna leh hon hihnokte koimang ding: Gingtu hinkhua i chih thubaih liai ahi kei hi. Aziak tuh, eimah a om khelhna leh hon hihnok leh hon hihtuailuai i chihte'n i gintak sangin ei ah a na thuklut in zung thupi taktak kaite ana hi nak uhi. Khelhna i chih pen i utlough leh i deihloughpi a hong lut teitei ahi keia, eimah lemsakna leh kisiamtanna ding toh hong om a, huai mah ei a nasem khe sek ahi hi. Huaite tuh i thilchin zongsatte, i utte, i deihte i utna tungtawn a leh eimah lemsakna toh sepkhiakte ahi zel uhi. "Mi chih amau utna a pimang leh hip a a om un, khemna a tuak uh a hi jaw hi" (Jk. 1:14). Huaiziakin, painkhiak vat leh tawpsan pah geih chih thubaih liai ahi kei hi. Himahleh, huaite apan kikem siangthou ding leh koimang ding in i Lai Siangthou in hondeih hi.

ii. Kuhkaltak a tai ding:

Kuhkalna i chih chiangin, i peih tantan hih a i peih nawn louh chiang a tawpsan chihna hilouin. A hihkeileh i gim, i tawl dimdem chiang a a khawlsan chihna leng ahi sam kei hi. Kuhkaltak a tai i chih chiangin gim in tawl mah le hang le pan teiteina, sep teiteina a gen ut hi. Huan a leh lamah gen lehang salam kitaitehna dan a en a gim nung tawl nung a tai teitei mawk in i si khong kei dia. Chih biahlamtak ahi. Himahleh, hiai a a

genuttak ahih leh salam kitaitehna pansan a khalam kitaitehna genchet tum ana hi hi. Khalam kitaitehna ah bel, ei mah hihtheihna sang ma ha Kha Siangthou panpihna toh pang teitei thei i hi chih i theih poimoh hi.

Huan huai lou in, Khalam kitaitehna a i theih dia poimoh mahmah tuh salam kitaitehna ban ga mimal kua hiam khat, a hihkeileh saptuam pawl dang khat toh kitaiteh hilou i hi chih i theih ding ahi. Khalam gam phakchiam enkawm a tai ding ahi. Huai a i et dia poimoh mahmah tuh mimal kua hiam khat hiam, ahihkeileh saptuam pawl dang khat h izawlou in, Jesu Khrist en kawm a kuhkaltak a i tai ding chih ahi.

Awle, unau hiai bang khalam kitaitehna phual a i om laiin, hun khenkha tah thuakgimlua leh haksa i sak a ei kia thuak bang i kisak hun a om thei tham hi. Huchibang hun in i Lai Siangthou (Heb. 11,12) a i muh bangin ginna mihangsan paisate en in i ei leh i kihasaran zel ding uhi. Nang kia hilouin Jawlnei Elijah in leng lungkiakna tawpkhawk ana tuak a Pathian kiang a kipekhia khop a a om lai in "Baal pathian ma a kun ngeilou mi 7000 keimah adingin ka hawi a hi" chiin a dawng hi (IKum. 18:22; Rome-te 11:3). Huaiziakin a min a i thuak, i sep, i piakte Pathian ah a thawn ngei keia, i hun haksapen ah leng a hontaisan ngei kei chih theichian in panthak i la ding uhi.

PATHIAN KIANG TUNNI

May 1 (Sepnawnni): Tuni kha thak leh ni thak hon musak Pathian tungah kipahthu gen ni, huan i pastorte uh nasepna tungtawna, khalam a masawna tamsem a omna diingin thum ni.

May 2 (Nilaini): Tuni in Rev. G. Pau Muanthang, Derahdun Program zou in Delhi apan hongpai ding damtak a hong tun na ding in thumsak ni. Huan, tulai in damlough hitan a tam mahmah a, huaite a kipan i damna dingun diingin thum ni.

May 3 (Ningani): Manipur gam a kristiante lak a kilemna, kihoutheihna leh diamdiam dialdial i om theihna diing un thum ni

May 4 (Sintawpni): Saptuam dang leh saptuam dang kikal a kilemlouhna leh kichijiatna a omlouh a ginglou mite mitmuh a ettontak a kuapeuh i om theihna diing un thum ni.

May 5 (Kiginni): Manipur Govern ment a overdraft a bei a, semtute'n diktattak a a nna sep diing bangbang uh a sep theihna diing un thum ni.

May 6 (Pathianni): Government a kipan sanction omte a mu diingte mah in a muh ua, a hamphatpih dia

ngimsate mah in a hamphatpih ua, koilai hiam a divert ahihlouhna diingin thum ni.

May 7 (Seppatni): Tuni i gam ua Tanchin Hoih hong lutni 'Missionary Day' ahi. Huaiziakin Pathian a dia kal sang tawia pang missionaryte a thak a thei in a maute ziaka kipahthu gen in leh amaute a ding bik in tuni in thum ni.

May 8 (Sepnawnni): Ei siangtangmi Khristian MLA chingthakte a ding in thumni, a mohpuakna uleh, a dinmun dungjuia Pathian a dia theihpihtu muanhuai a hong hihtheih na ding un thumsak ni.

May 9 (Nilaini) Tuni a Rev Khen Tombing, New Delhi a a hohna diing a bangmah buaina a omlouh a, a sep diingte Pathian deiham leh A thupina dia a vasepkhiak theihna diingin thum ni.

May 10 (Ningani): Tulai khovel ah dikloutak a sum muh utna a uang lua a, huai a kipan ei kristiante i sianthou ua, diktattak a sum i muhna diing un thum ni.

May 11 (Sintawpni): Tulai khovel ah numei leh pasal kal ki-etlahna

CHIEF CO-ORDINATOR SAPTUAM VEH IN PAI LELLEL

I saptuam awlmohna leh veina lianpi toh tulai in Rev. Khen P. Tombing in saptuamte veh in hasotna thu gen in vak kual lellel hi. April kha a kipanin, North Lamka Presbytery leh South Lamka Presbyterte kawm tuah in Pathian ni jing leh nitak hunte in saptuamte veh hi. Amah apan kiza danin, North leh South Lamka Presbyteryte zoh ahih chiangin Singngat leh Thanlon Presbyteryte veh ding maban ah program nei hi. Chief Co-ordinator program lohching leh gahsua a honghih a saptuam leh Pathian gam nasepna a dia, gin-omzaw leh kuhkalsem a i pankhawmna uh a hong hihtheihna dingin thumpih chiat ni.

LAIBU THAK

Elder (Emt.) Thuamson Hangzo in a bawl "Peotry: Old and New" (In Paite) chih laivui, leh la kumlui hoih mahmahte a kaihkhawm zohsiang ahih toh kiton in Rev. Khen P. Tombing in, RBI Principal's Office ah April 17, 2012 zing dak 8:00 in honna leh latna nei hi. Hiai laibu sunga laphuak siam mahmahte la phuah, pau upa diktak leh hoihtaktakte zanga la kiphuak La leh Lavui 58 om hi.

Huailouin unaupa Eugene H. Chinzahao in a bawl "Chingnou Aw Chingnou" kichi leng zoh sianga ahih toh kitonin Rev. Khen P. Tombing in Pathian kiangah a lan hi.. Hiai bang nasep sem i unaute ziaak in i laipau khanna leh kibehlapna a hihmanin amaute tungah kipah thu i puang hi.



Rev. Khen in Laibu a honlai

NA INN TUNG KHUH IN

Nu Sialvung, Lanva

Khatvei inn honna a ka hoh leh, a inn pen in hoih lua ahi kei a, a tuang leiset a bang buan a jut ahi. Inn lianl ua jong ahi kei hi. Intek thugenna ah inteknu'n thu hon gen a thugen ka siam hetkei chi kawmin khamitakin thu hon gen hi. A thugen sungin ka lungsim ah inn sung nuam i chihte bangchibang inn a tengte a hi diam chih ngaihsutna thupitak ka nei hi. Ka ngaihsutna ah hichiin a hong om hi. Lamka khopi sung a tengte a jawng leh hau i kikhai thei mahmah a. Inn hoih tampi a tengte, inn tung khuhlou a teng hi in Pathian in honmusak hi. Bangziak hiam i chih leh tate ziaak bang, pasalte ziaak bang, zite ziaak bangin mi a ihmud hithit lai in ei ihmu theilouin, lupna tung vuah a keh chiang a lum kinken theiloua i om bangin ningkitel in i om a, a kehlohna lam ahih khakleh chiin, i ngatna bang khek in i kihei lehleh hi. Ihmu dia i kisak chiangin vuah mal khat in honkha kek zel ahihmanin bitzawkna ding zongin, a khenchiangin tu in, a khen chiangin lum in i ning a kitel a bitzawkna ding zongin i kihei lehleh a, vuah keh ziaak a i lupna nuamlou lua ahihmanin ihmud khamlou pi in khua a hongvak

khong hi.

Lupna tung bang, tuang tung bang inn tung keh ziaak a kawt jejua a om chiang bangin en lah nuam kisalou, mi honghohte'n lah nuamsalou in inn belh theihlauh ahi maimah hi. Huchi bang geihin i innte hoih in khopi sung kilawmsakin etlawm mahleh a sung a tutnate nuam lua kisa in, spring nei bang zojen mahleh i inn sung kilawmna in dim in i lupnate khawng nuam lua kisa in nip thihthiah mahleh, i thousilente khawng uh buk chiachiak phain, ze tuamtuam a zem in pak sesua mahleh, a

sungah nuamtakin i ihmu kei hial uhi. Lupna nuamtak a lum hinapi, lukham kawtzou zihziah jen in khitui naptui toh kidiah in tawldamtak a mi a ihmud lai in a guk a lungkham in mi kiang a gen diing lah hilou khawng ngaihtuah in ihmu theilouin lupna tungah mit hak kekkukin, jan khovak a kingaihtuah in ningkitell tuntun in lehlam lehlam nga in i om hi. Inn sung nuamsa loua kholak nuam i sak zawkna bang i tate'n ei inn sang a mi inn nuam a sak zawkna bang uh, unaute aw kingaihtuah thak le'ng i inn sung khawng uh inn hoih pipi a teng himahle hang inn

tung khuhlouh a teng toh kibang hilou i hiam? Huaiziakin thupiak sawmte in na inn tung khuh in na bit ding hi (Eks. 20:1-16).

1. Kei loungal Pathian dang na nei ding ahi kei
2. Milim bawltawmte na be ding ahi kei.
3. Toupa na Pathian min a mawkin na gen ding ahi kei.
4. Khawlnei na tang siangthou ding ahi.
5. Na nu le na Pa zahtakin.
6. Tual na that ding ahi kei.
7. Ang na kawm ding ahi kei.
8. Gu ke'n.
9. Theihpihtaklou in na pang ding ahi kei.
10. Midangte zi na eng ding ahi kei.

Unaute aw kingaihtuah dih uh, Pathian in Mousi zang a Israelte zang a a thupiak sawmte nang leh kei kiangah leng i zuih ngeingei ding ua thu hon piak ahi. Thupiak khatna apan ngana tan i et leh; Pathian in amah kia i biak a ut a, a siamsa pathian dang i bawltawma i biaksan ding hon phalkei a, amah lamah hon hui tinten chih i muthei hi. Khatna ah kei loungal Pathian dang na nei ding ahi kei a chi top hi. I Pathian amah kia i ngaihsak a, amah kia i biak a ut ahi. Nihna ah milim

bawltawmte na be ding ahi kei a chi hi. I Pathian amah kia i biak a, a sia sate i biak san honphal kei hi. Thumna ah, TOUPA na Pathian min a mawkin na gen ding ahi kei a chi hi. Honsiamtu Pathian i zahtak mahmah a ut hi. A min ngaih a mawk a gen a phal kei. Lina ah, Khawlnei na tang siangthou ding ahi a chi hi. Hiai khawlnei bang ziak a Pathian in ngaisang a, thupiak sawmte a leng telsak hiam i chih leh, Genesis bung khatna sunga Pathian thilsiamna i et leh, ni khat apan ni guk sung Pathian in nna a sem a, a zoh in a en a hoih a sa mahmah a. Ni sagihni in a khawl chih i muthei hi. Huaibanah Jesu han apan a thohin ni sagihni masapenin a thou chih leng tanchin hoih bu lite ah a muh thei hi. Huaiziakin en leng Nipini tuh i nasepte khawlsan a amah i Pathian phatna hun a i zat ding ahi. Ngana ah, na Nu leh na Pa zahtakin a chi hi. Ephesate 6 na ah na Nu leh na Pa zahtakin huchiin lei ah leng na damsawt ding a chi hi, Nu leh Pa zahtakna tuh khansauna, chidamna leh lei a damsawtna ahi. Hiai thupiak sawmte ka sim laitakin hampahuai kasamahmah hi. Azia ktuh a zuih haklou ngen thu a hon piak ziaakin. A gukna ah tual na that ding ahi kei hon chi a, i hampah mahmah hi. Tual na that ding ahi

PASTORTE THUM KHAWMNA OM

Chief Coordinator makaih in April 12, 2012 in Pastor teng aleh a jite uh Peniel thumna mual, Mualvaiphei ah kithuah khawmna leh thumkhawmna hun nuamtak a zang uhi. Hiai hun in Pastor khat leh nih chihlouh retired sate toh kitelvek a, himahleh Pastorte jite inn sung buaina leh damlouhna ziaakin a hongtel kim thei kei uhi. Hiai hun ah tulai i saptuam in haksatna i tuahte uh kikumkhawmin mabang panlak ding dan tuamtuum leng genkhawm uhi. Khelhna leh mohnate Pathian kianga kipulakna leh saptuam mipite a dinga thumsakna hun zat hi a nitaklam dak thum a zoh ahi. Thumna program zoh in Rev. Khen P. Tombing in paikhawmte tengteng an a inn uah a nekpih hi.



Thumkhawmna a tel Pastorte leh a zite uh

BIKE THAK

Intern Pastor K. Zamkhansuan, nasepna dia vanzat poimoh leh phatuam mahmah hi dingin USA a saptuamte deihsakna jia kin Bike thak (TVS) Rs. 55,000/- leikhiak ahi. Hiai bike thak office puak tung ahih nung zek in head office staff -te'n kipahpih in leh deihsaktakin Rev. H. Chin Thiansong Pathian kiangah a lan hi.. Amah tu lelin Sinjawl pansan in N.E. Khodungsei (Mizoram) leh Mimbung (Mizoram) bialin saptuamte a etkol laitak ahi. Hiai gari zang a Pathian gam nasepna lohching leh gahsuah sem a hong hih i deihsak mahmah hi. TOUPA'N tamsem sem thei dingin hon vualjawl chaitta hen.



Head Office te toh gari thak latlai

honchi hi leh, tualthat zoulou kitam petmah ding hi. Sagihna Ang na kawm ding ahi kei hon chi hi. Ang na kawm ding ahi honchi mawk leh, angkawm ding mulou kitam mahmah ding ahihmanin a zuih hak hetlou thu hon pia hi. Giatna ah, na gu ding ahi kei hon chi hi. Na gu ding ahi honchi leh mi a gu nuamloute a dingin thuhaksa a hi ding. Lauthawng pipi a mi vanguk ngailou i hamphatna ahi. Kua na, theihpih taklou in na pang ding ahi kei honchi hi. Theihpih taklouin na pang ding ahi honchi leh zuau gen theilou dangnal loute a dingin haksa mahmah ding ahihmanin. Sawmna ah midangte zi na eng ding ahi kei a chi hi. Midangte zi na eng ding chimawk le tuh, mi thutak mahmahte a dingin thil haksa ahi ding. Mi hi zelzul muhmuh kawi thei, muhmuh luppah thei tampi i om laiin khenkhat a ngaihjawng masa in a khen leh zi dang nei

nawnlou leh pasal dang nei nawnlou bang om hi. Huchibang mite a dingin mi zi va— en ding thil hithei ahi kei hi.

Huaiziakin hiai thupiak sawmte tuh a zuih haklou ngen, Pathian in thu honpiak ahihmanin zuilou teitei te tuh Pathian in leitunga i damsung mahmahin hon gawt ngeingei ding hi. Na simkhit chiangin nang leh nang kingaihsun pha inla na zuihzohte zia kin thu hon petu Pathian kiang kipahthu gen inla, na zuih zohlouhte ngaihdam ngen inla zui zou dingin Pathian' kiang panpihna ngen in. Thupiak sawmte na zuih zoh chiangin, inn tung keh khuhthak toh hong kibang dinga, na inn sungah nuamtak leh khamuangtakin na ihmu tading hi. Huaiziakin thupiak sawmte in na inn tung khuh in.

Simtute na vek un bitna leh khamuanna honpechiatta hen.

Missionary Day Message:

“KUAN UN, NUNGUITE BAWL UN, BAPTIS UN, THUHILH UN”

“Huajjiakin, kuan unla, nam chih apan nungjuite bawl unla, Pa, Tapa leh Kha Siangthou’ min in baptis unla, thu ka honpiak tengteng jui diingin thuhilh un. Huan, ngai un, khovel tawp pha in leng na kiang uah ka om jel diing” a chi hi. (Mt.28:19,20).

Hiai i Laisiangthou chang tel uh, tang minthang mahmah, etlouh a i theih mahmah uh, hinapi alah, chiantak a i suilouh uleh i zuih luatlouh uh, a na hi laizang hi. Hiai chang tuh gingtu kuapeuh mohpuak, sep dia thupiak ahi. (Jn.14:12). Hiai thu jaw kei zuih diing ahi kei, chi a kipengkhe thei, kikangkoih tuam kuamah a ki-om kei chih chiantak a i theih uh a kul pha mahmah mai hi.

Mi hausa mahmah khat in Charminar (Iaijial) company lianpi a pankhia a, ahiehleh, khopi khat ah, mi khat company dang a sem khat a agent diingin a koih hi. Ahiehleh, ni khat a va-etkhiak aleh, a nna khat pen ah a hun a zang bei a, amah sawlna pen (Charminar juaksawna) a na nelhsiah in, a na limsak kei hi. Huchi in, aman leng, huai mipa semsak nawnlou in, mi dang khat a guai leuleu hi. Huchi in, a nna a lamzang mahmah a, a company in khanlam, masawn lam a manoh semsem, chih thu laibu khat ah ka simkha hi.

Hiai a tung a tangthu tomchik i gen bang deuh in, ei lawi in i Toupa uh honsawlna nelhsiah a, thil dang a kidiah lua hi lehng

a kilawm hi. Pathian nasep diingte lakah, hiai tangthu pha darhjakna dia nasep sang a poimohjaw a om kei, chi lehang kam-uang lua a kiji kei diing hi. Unau simtu it, hiai thute ngaihtuah khawm dih ve ni:-

1. KUAN UN—Hiai sawlna tuh, tangthu pha gen dia kalsuan diing genna ahi. Ahi a, mi tengteng i chi hiam, gingtute tengteng bel, tangthu pha gen dia kuankhe theilou diing i hi uhi. Himahleh, tangthu pha gen dia kuankhiakna diing ah, nna poimoh mahmah a lou theilou a kizeptel a om uhi—huaite tuh: Khatna: A sawlkhentu pawl, Nihna: Thohlawm thoh pawl, Thumna : A thumtu pawl leh Lina: A gen dia kuankhe pawl. Hiai teng lak a khat peuh a i pan aleh, “A kuankhiakna a telkha i hi uhi”.

DAHPIHNA



Elder V. Hauzasawm, Rayburn Presbyterian Church, Lanva a tengin hun sawt kuamtak tuap natna a neih nung in April 5, 2012 in a leitung khualzinna zou in a tangtawn mun zuanin hon paisanta hi. A luang April 6, 2012 (Good Friday) ni in bialtu Pastor M. Khamlianmang in Lanva hanmual ah vuilliamta hi.

Aman a damsungin lam tuamtuam ah a sem a telkhakna leng tampi a om hi. Sepaih bang mun nih ah ana pang a, huan gam leh nam vaiah PNC tu a Paite Tribe Council (PTC) kichita ah phatuamngaitakin ana kizang hi. Huailouin, Saikul khua ah amah hetutu khat hihna nuaiah Presbyterian Saptuam ana pan hi. Huai khua saptuam kum bangzah hiamtak a kep nungin Lanva ah teng in, huai hun apan Rayburn Presbyterian saptuam member in a sih dong om hi.

Amah hon paisanna nungah a zi leh tate leh sungkhat lainate i thuakpihin i sunpih mahmah chih i puang hi. Huan, amah omlouhna nung a thawmhauna, lungzuanna leh dahnate tengteng Pathian Kha Siangthou hehnemtu hehnepna leh Khamuanna i ngetsak hi.

10. Zeksumna tuh naungekte tung a sepkiak in aom. Aziaktuh thukhun ah Pathian in amaute tuh Amah a ahi uh achi (Gen.17:1-14).

11. Huchibang mah in thukhun thak hun in leng thukhun sung a nu-leh-pate' tate tuh Pathian in amah a ahi uh achi zui hi (Nas.2:39, Sam 102:28, Isai 59:20-21,; 60:22; 61:8-9; 66:22, Jer.31:29, Ezra 47:21; 37:25, Sam 72:4-5, Rom 11:28-29). Thukhun thak ah nu-leh-pa khkat gingtu' tate tuh Toupa ah siangthou a ngaih ahi uh (I Kor. 7:14).

12. Amaute thukhun chiamtehna piak a aom chiangun adiktakin

amah thukhun mite chih in aom uhi.

13. Thukhun lui ah Pathian in Kris a Amah thukhun thak tuh inkuan khanggui zui a pai ding ahihdan chiantakin agen. Thukhun masate bangin. Huaiziakin eite'n thukhun thak bu ah inkuan pumpi baptisma tannate I mu thei uhi (Nas. 11:13-14; 10:47; 16:14-15; 18:8, I Kor 1:16; 16:15-17, Rom.11:16).

14. Huaiziakin gingtu nu-leh-pate adingin tuh thukhun inkuan a laklutna leh chiamtehna a mahni naungekte baptisma piak chiat ding ahi.

GOUMANPHA LABU OMTA

Delhi a kisunsak, Solfa zilna leh PCF a di biik a kibawl labu GOUMANPHA kichi tu in Office ah a bukim in omta hi. Hiai laibu sung ah nidang a Suangmantam labu a la omte 150 val tuan sak ahihbanah tulai laithak 50 veel tuan sak ahihmanin deih huai mahmah hi. Kuapeuh a lai nuam te'n PCI Head Office ah chiklaipeuh in lei theih gige ding chih zaksakna bawl ahi.

2. NUNGUITE BAWL UN: Hiai nungjuite bawl un, chih tulai saptuam tampite'n i nelhsiah mahmah uh, thupiak poimoh mahmah lah hi ahi. Huaijiakin, nungjuite bawlkiak a, tangthu pha gen dia sawlkiak diing ahi. Nungjui kichi thumal in a kawt tuh, Jesu hih bangbang hih chihna ahi. Jesu'n bangbang a hih a chih hohtak a theihchet diing ahi, huchi lou in jaw, nungjui hihna ah, i sep diing, i bawl diingte i thei keikha diing uhi. Jesu'n khalam hotdamna dia tangthu pha gen ahi. Jesu'n tagah, genthei leh meithaite a khotuah hi, Jesu'n khelhna hihte a sal in a thunun hi. Jesu tuh eite aa dia a sih bangin, eite leng i mihinpihte aa dia i hinna uh phal a i sih ngam diing uh ahi. Huan, nungjuite bawl dia honsawl dungjui in, Discipleship Training Center khat honkhiak a, huai a nungjui diingte sinsak diing ahi. Huchi bang a sinsak a omte peuhmah tangthu pha gen diing leh missionary nasep khatpeuh semkhe dia i sawlkiak diing uh ahi.

3. BAPTIS UN: Hiai "baptis un" chih thupiak a poimoh mahmah nawn khat ahi. Gingtu kuapeuh in, Jesu Kris a Hondampa dia a sankhit phatphat baptis jel diing ahi. (Nas.8:36-38). Hiai tui a baptisma tansak in hotdam ahita uh chih puankhiakna ahi a, hotdam hihna

dia tansak diing ahi kei hi. Nidang a Thukhun Lui a Pathian mite zeksum ahih mah bang un, tulai Thukhun Thak hun a gingtute tuh baptisma a polam a chiamteh ahi uhi. Huaijiakin, tangthu pha gingtate peuhmah, a ginna uh a puankhiak chiang ua baptisma tansak jel diing ahi.

4. THUHILH UN: Missionary nasepna a poimoh mahmah nawn tuh, "thuhilh un" chih ahi. Huai in a gen tup tampi omkha mahleh, hotdamna tangthu pha i gen sangtute kiang a i gen behlap diing thu, Jesu Kris in hih dia thu a honpiakte peuhmah jui dia thuhilh diing ahi. Zuih diing leh zuih louh diing, Laisiangthou ah tampi mahmah a kigelh a, zuih diingte jui dia thuhilh a lou theilou ahi. Etsakna diingin, gam mial a tangthu pha i gahsuahna a gingtute kiang a i gen sawn leh thuhilh diing tuh, "Nang leh nang na ki-it bangin na vengte na it diing ahi" chih bang i hilh diing uh ahi. Huchi mah bangin, Laisiangthou a hih dia honthupiakte peuhmah i hilh diing uh ahi.

5. **NA KIANG UAH KA OM JEL DIING:** Jesu'n bangjiak a na kiang uah, ka om jel diing, chih thu honchiam hiam? Hiai tuh dotna poimoh mahmah ahi. A dikna leh dawnna dia gintak tampi leng i gen thei diing uh. Ahi a a poimohpen

leh langsarpen a theih tuh, tangthu pha nasepna toh kisai in, haksatna tampi thuak thei, tuakkha thei i hi ua, huai hun chiang a lungke lou a i pan chanchan theihna diing uh ahi pen hi. Tangthu pha nasepna ah missionary tampite'n gentheihna huaisetak a thuak un, a tuakta uhi. David Livingstone bang, Adoniram Judson bang leh adg dg.te'n haksatna tampi a thuakkha uhi. Huchi ahih jiajin, i Toupa'n, hiai leitung a nutsiat diing kuan in, a nungjuite kiangah, "Na lungtang uh hihmangat in o m kei hen..."(Jn.14:1) a chi a. Huan, "Lungkia a na paimang louhna diing un, hiai thute na kiang uah ka gen ahi"(Jn.16:1) a chi leuleu hi. Huaijiakin, Pathian gam nna i sepna uah, lungkiakna diing, mangbatna diing leh genthei a gim tampi thuakna diing a om, chih i theih uh a kul a, huai a kipan in hihat leh hihkhamuan i poimoh gige ua, huchi in, "Na kiang uah ka om jel diing" a chi ahi.

Huaijiakin, Pathian lalgam nna, gammial nasepna ah, i sep diing uh, i hih diing uh, a tung a bangin a kiguang diudeu hi. "Kuan un, nungjuite bawl un, baptis un, thuhilh un" chih thupiakte nelhsiah vual ahi kei hi.

Unau simtu deihtak, hiai thu na sim in bang na ngaihtuah a? Toupa'n a

hotdamna tangthu pha puanjakna dia nang leh kei honsawl, honsen a, mohopuakna hon-guan ahi, na chi tiltel na maw? "Hiaite jaw, kei nna leh mohpuak ahi kei" chi a kikangkoih mai diing i hi ding ua'm?

Tulai in, unau en kimvel mah dih, Pastor khenkhat singtang lam a suan a ut kei ua, hiai Lamka khopi sung kia bial ut pawl a om uhi. Huchi bangte tuh, ahi hi a gen in, pastor dia chin ahi kei uhi. Pathian nasemtu diing tuh, a haksa tawpkhawk thuakngap a, sih leng khawksa lou ahih uh a ngai hi. Hichi bang a singtang lam hiam, mun haksa a sem peihloute tuh, tawpsak taka hi uhi. Laisiangthou bang a gen a? "Gim tampi thuak in, Pathian' lalgam ah i lut diing uh ahi him ahi" a chi.(Kil.2:10; Nas.14:22).

I thukhitna diing un, hiai Laisiangthou chang i taklang diing uh: "Kris Jesu' sepaih hohtak bangin gimthuak honthuakpih in.Sepaih a om dia a teltupa a kipahsak theihna diingin, kidou lai in sepaih kuamah hiai damsung khosaknate'n a kihihbuai ngei kei" (2 Tim.2:3,4).

NAUNGEK BAPTISMA

Vung D. Tombing

Reformation heutate'n naungek baptisma tuh mihing' thuneihna a kihihkhia bangin a tunglam in ngai mahleuh zoptouh lem asa uhi. Hohtak a suina nei in leh Bible toh veltuah in apom uhi. Aziakte laka khenkhat tuh anuai ate ahi:

01. Abraham toh Pathian' thukhun pen Jesu Kris tungtawn in namte tengteng lak ah akizomtou hi. Jesu Kris tungtawn in ahi Pathian in achiam nam tampite lak akipan Abraham in tuni a tate aneih.

02. Abraham toh thukhun in zeksumna aphut (Gen.17:9-14). Himahleh zeksum tuh muhtheih chiamtehna ahi a, zeksumna dik, "Kha a lungtang zeksumna" akawk hi (Rom 2:28-29).

03. Zeksumna dik tuh Jesu Kris sepkiak ahi, kros tung a amah sihna leh amah kha amah mite a asepa tungtawnin ahi (Rom 15:8, Kol.2:11-12, Phil.3:3).

04. Abraham thukhun a vualzawlina pen tuh Kris ahi (Gal.3:8-9). Abraham leh amah inkuan toh Pathian' thukhun in leitung a lem nabawlp a leh Abraham' inkuan pumpi tankhetu Jesu Kris' aiohna tangtakin akawk hi (Gen. 22:18, Luk.1:54-55; 1:67-73, Nas.3:25-26).

05. Thukhun a thuchiamte tuh Abraham leh Jesu Kris kiangah gen in aom tuak hi (Gal.3:16).

06. Tuni a huai thukhun mah chiamtehna tuh baptisma ahi, aziaktuh Jesu Kris sihna in sisan suahnate tengteng, zeksumna leh kithoihnate asutawpta hi. Amah sisan bukimna ziajin.

07. Zeksumna leh baptisma tuh polam latdan atuam lel ahi uh. Amaute tuh sunglam kha takna chiamtehna ahi tuak uh.

08. Paul in leng baptismal eh zeksumna tuh khalam hoihna ah thil kibang ahih uh agen (kol 2:11-12).

09. Zeksumna tuh ginna' diktakna chiamtehna leh namkipna ahi (Rom.4:11). Himahleh Pathian in ginna nei thei nailou naungekte tung a zeksumna zat dingin thu apeta (Gen.17:12-14). Baptismal eng zeksumna mah bangin gina' diktakna chiamtehna leh namkipna ahi.